

27. september 2016

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. xx.xx.xxx 2016-imeersoq (siullermik Ivittuut Kommunerisimasaannit nunap immikkoortuanit sinniisussamik qinersinerup allanngortinnera).

(Naalackersuisut Siulittaasuat)

Kommunalbestyresit, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisissaattut siunnersuut Siumumiit imaattumik oqaaseqarfigissavarput.

Siumumiit siullermik inatsisissatut siunnersuutip tunngavippiaa qimerlooreerlugu, tassalu Ivittuut Kommuniusimasumi nunap immikkoortuanut sinniisussamik qinersisoqartarnera unitsinneqarluni malittarisassanik allanngortitsisoqarnissaannik pisariaqalersitsineq eqqarsaatigalugu allanguutissatut siunnersuutit Naalackersuisut suliarinagu inatsisissatut immikkut nutaatut isikkulerlugu suliaqarsimanerat ippinnartoqartilaaraluarparput.

Tamannali sumik tunngaveqartinneqarnerisq Naalackersuisut saqqummiussinermi oqariartuutigisaat Siumumiit tusaatissatut tiguarput.

Naggataatigullu inatsisissami oqaatsitigut nalimmassaassuteqarnerit taamatullu qinersisussat allasimaffiannut ilaanermi ilaannginermiluunniit naammagittaalliuteqarsinnaanermut aalajangersakkanik kiisalu allakkatigut taasisarnermut tunngatillugu aalajangersakkanik ilassuteqarnerit Siumumiit akuersaaratsigik matumani oqaatigissavarput.

Inatsisissatut siunnersuut Siumumiit ilalerparput siunnersuullu Inatsisartut atortitsinermut ataatsimiititaliami suliarineqarnissaa innersuussutigalugu.

Anders Olsen
Siumut